



## Union Démocratique Bretonne, Section Kreiz Breizh Unvaniezh Demokratel Breizh, Kevrenn Kreiz Breizh

Herve ar Gall Kêr Annig 22110 Groñvel 02 96 24 25 09

Kemennadenn : 16 / 09 / 14

Pal : Manifestadeg evit adunvaniñ Breizh d'ar Sadorn 27 a viz Gwengolo e Naoned

### **Breizh pemp departamant un dra vat vo evit dazont Kreiz Breizh**

UDB Kreiz Breizh a c'halv tud Kreiz Breizh da gemer perzh niverus er vanifestadeg a vo en Naoned d'ar Sadorn 27 a viz Gwengolo evit goulenñ ma vo adunvanet Breizh.

Perak mont ken pell da vanifestiñ ? Peseurt interest zo gant tud Kreiz Breizh da c'houlenñ ma vo nullet dekred 1941 Marichal Petain ha ma vo en-dro departamant al Liger-Atlantel e Breizh ?

Dilennidi kêrioù bras ar vro a soñj dezhe e vo un dazont a-feson da Vreizh gant ma vo ar meurgêrioù - metropoloù- e penn ar jeu. Fell a ra dezhe postañ enne an darn vrasañ eus ar yalc'hadoù evit an enklaskoù hag an diorren ekonomiezh ha teknik, hag ivez derc'hel enne ar pezh a chom eus ar servijoù publik.

Sevel a reomp a-enep d'ur seurt politikerezh a vod an holl c'halloudoù en un nebeud metropoloù hepken. Goulenn a reomp ma vo ur c'henskoazell evit tout an dud war ar rannvro a-bezh. Ur chañs bras hon eus da gaout e Breizh un niver bras a gêrioù krenn hag a gêrioù bihan gant tud o chom e pep lec'h barzh ar vro ; gant-se e c'hellomp reiñ lañs d'an ekonomiezh war Vreizh a-bezh. **Ma zo ur metropol da gemer e kont eo Breizh en he fezh, ha pas un nebeud kêrioù bras hepken.**

Pa vo bet lakaet e pleustr an « adreizhañ tiriadel » en ur Vreizh greñv, enni pemp departamant, ha 4,5 million a dud, gant galloudoù a-bouez ha budjedoù a-feson e stern ur gwir rannvroañ e c'hellimp kas an traoù war-raok evit Breizh... gant an traoù savet e mod-se e c'hellfemp difenn an tiriadoù war-ar-maez ha derc'hel penn ouzh metropoloù Brest, Naoned ha Roazhon bet savet nevez zo da heul ur soñj bet kavet gant Nicolas Sarkozy ha lakaet e plas gant ar gouarnamant sokialour.

Gant an « adreizhañ tiriadel » ne vo ket eus an departamantoù ken hag e vo savet ur vodadenn hepken evit Breizh. Ar vodadenn-se a gemero plas ar c'huzulioù-meur hag ar c'huzul rannvro a zo dioute bremañ ha gant an divizoù bet kemeret enni vo moaien skoazell Kreiz Breizh.

Goulenn a reomp ma vo savet « Bro Kornoueg Kreiz Breizh » gant kuzulierien dilennet gant ar mouezhiañ hollek. Gant ar Vro-se ur boblañs ouzhpenn 100 000 a dud enni, bodet war tachennoù an departamantoù 22, 29 ha 56 e vo moaien reiñ lañs d'an ekonomiezh ha degas en-dro an arc'hant publik ha prevez a vez postet er mare-mañ, evit an darn vrasañ anezhañ, er c'hêrioù bras pe war an aod.

N'omp ket evit degemer ma vo beuzet Breizh e lagennoù Kornog Bras Bro-C'hall. Ur « vro » eo az en em astennfe eus Enez-Eusa da kêr Le Mans ha pelloc'h c'hoazh diouzhipp vefe kemeret an divizoù da ren war an dachenn vras divent-se. Breizh pemp departamant zo un istor dezhi a zo ouzhpenn mil vloaz, bout zo ur geografiezh dezhi ha tud kustum d'ar c'henskoazell, gant sevenadurioù kreñv o vevañ enni... tout an traoù-se zo patrom kontrol d'ar rannvro « Kornog Bras » diene bet ijinet gant teknokrated war gorn ur burev bennak e Pariz. UDB Kreiz Breizh n'eo ket evit degemer ma vo diverket Breizh eus ar c'hartennoù geografiezh ha beuzet e lagennoù Kornog Bras Bro-C'hall.

UDB Kreiz Breizh

Kirri boutin a vo adalek Karaez, loc'het e vo da 10e00 eus Plasenn Verdun (plasenn an iliz).  
Un ehan a vo e Gourin (Plasenn Jal de Gaulle) hag unan all er Faoued. Priz : 10€ mont-dont  
Evit lakaat e anv : 06 32 70 12 51 pe dre bostel : emglev.bro.karaez@gmail.com